

# 1 Tesalonicenses

*Pablo gojañumi Jesu yarãre Tesalónica majarãre*

<sup>1</sup> Yũ Pablo, Silvano, Timoteo mera ipũre mũare gojabeoa. Mũarũ Tesalónica majarã mari Pagũ Goãmũ yarã árĩrã mari Opũ Jesucristo yarã sã áhraa mũa. Eropigũ Goãmũ mari Pagũ, Jesucristo mari Opũ mera mũare õadoreo. Īgũ itamuri mera õaro árĩque.

*Jesu yarã Tesalónica majarãrũ Jesure erã õaro umupeorare wereñumi Pablo*

<sup>2</sup> Goãmũre serẽrã mũa árĩpehrerãre guña mucubiriri mera. Mũa Jesure umupeorire guñarã “Õatariari áhraa,” arĩ serẽniguicãa gũa Goãmũre.

<sup>3</sup> Mũa Jesucristore “Diaye iigũ áhrimi,” arĩ umupeoniguicã waĩcũa. Eropa umupeoniguicãrã Jesucristo ya árĩburire õaro iirã waĩcũa. Jesucristore, gajirã sãre mũa õaro mahi umupeorã waĩcũa. Eropa mahirã Jesucristo ya árĩburire burigã iirã waĩcũa mũa. Eropirã Jesucristo ĩgũ itamurire corerã waĩcũa mũa. Īgũre eropa corerã ĩgũ yare iirã duhubirã waĩcũa. Eropa iirã mũa Goãmũ mari Pagũ ĩacũ õaro iiaa. Goãmũre gũa serẽrã irire mũa eropa õaro ii waĩcũrãre guñaniguicãa.

<sup>4</sup> Gũa acawererã, õpa peeque. Mũare Goãmũ mahimi. Eropigũ mũare ĩgũ yarã árĩmorãre beyerũ. Irire masia gũa.

<sup>5</sup> Gũa sohõ árĩrasubu mũa mera árĩrã õari buherire mũare gũa wererã gũa pepiri mera werebirabu. Espĩritu Santo ĩgu doreri mera ĩgu yare wereabu gũa mũare. Eropa werecũ iri buheri diaye ta árĩrire õaro masiabu mũa.

<sup>6</sup> Eropa masirã mũa iri õari buherire õaro pee ñeabu mũa mucubiriri mera. Eropirã mũa eropa peecũ ĩha gajirã gamebirã mũare ñero iima. Erã mũare ñero iiquerecũ ta mũa Espĩritu Santo itamuri mera õaro mucubiriabu. Eropirã gũa mũa watope árĩrã gũa õaro árĩricũrire masiabu mũa. Eropirã mũa gũa diaye maja iirare ĩarã guare ĩhacũbu. Eropirã Jesu mari Opũ ĩgu iidiro dopa ta iiaabu mũa.

<sup>7</sup> Mũa eropiicũ pee Jesu yarã Macedonia yeba majarã, Acaya yeba majarã sã mũa eropa õaro iirare peeañorã. Eropa peerã erãpu mũa iidiro dopa ta iiañorã erã sã.

<sup>8</sup> Eropirã mũaguere Jesucristo mari Opũ yare peesũyoro. Goãmũre mũa umupeorare Macedonia majarã Acaya majarã sã peeañorã. Erã dihta peebirañorã. Árĩpehrero majarã mũa umupeorare peeañorã. Eropirã gũa mũa umupeorare gajirã masituhajacũ ĩha werebirica erãre guapũ. Erãpu guare werema.

<sup>9</sup> Ōpa arĩma guare mũa iirare wererã. “Tesalónica majarã mũare õaro bocatĩriñorã mũa erogue ejacũ. Erã Jesucristo yare pee erã goãmarã wéanirãre umupeonirã árĩrã gohrotoañorã. Gohrotorã Goãmũ gohra ojocarigure diaye iigure umupeonũgañorã. Eropirã dohpague Goãmũ yare iirã iiañorã.

10 Eropirã Goãmũ magũ Jesucristo ïgũ umũsigue ariburĩne òaro corerã ãhrañorã,” arĩ werema guare. Jesure sĩridigũre Goãmũ masupũ. Eropigũ Jesupũ marire ñetariaro dipuwajacũbonirãre taudigũ ãhrimi.

## 2

### *Pablo Tesalónicaque ïgũ buherare wereñumi*

<sup>1</sup> Mũa pohro gũa árĩrã eropa árĩcãrã iibirabũ. Mũare òaro itamurã árĩmũrabũ gũa. Irire òaro masia mũa, gũa acawererã.

<sup>2</sup> Ero core Filipo maca gũa árĩrã ñero taribũ. Guare ñero erã iirare masia mũa. Guare erã eropa ñero iiquerecũ ta Goãmũ itamuri mera gũiro mariro Goãmũ yare òari buherire wereniguirã gũa ejabũ mũa pohroguere. Mũa árĩro sãre guare masa bajarã erã ñhaturiquerecũ òari buherire buheabũ gũa mũare.

<sup>3</sup> Eropirã mũa pohro árĩrã mũare gũa werera òaro díaye majare buheabũ gũa mũare. Eropa wererã mũare ñero iidiarã árĩbirimũrabũ gũa. Mũare gũyadيارã buhebirimũrabũ gũa mũare.

<sup>4</sup> Goãmũ gamero dopa ta buhea gũa. Òari buherire buhemorãre Goãmũ beyemi guare. Eropa beyegũ ïgũ ya buherire guare were-doremi. Eropirã masa guare erã ñhasũaburire buherã iibeaã gũa. Goãmũpũ guare ïgũ ñhasũaburire ïgũ yare buhea gũa. Goãmũ mari pepirire dohpa mari iidiarire òaro masimi.

<sup>5</sup> Eropirã gũa mũare òari buherire wererã gajinore amarã ejabirimũrabũ. Eropirã werenigui gũyarã iibirimũrabũ gũa mũare. Eropirã gũa

buhērã m̄are niyerure aĩmorã iibirim̄rabũ. Irire ḡua m̄ua pohro eropa õaro iirare m̄ua masia. Goãm̄ sã irire masimi.

<sup>6</sup> Ḡua eropa buherã m̄ua ḡuare umupeoburire dorebirim̄rabũ. Gajirã sãre eropa ne dorebirim̄rabũ.

<sup>7</sup> Ḡua Cristo ĩgũ apinirã árĩrã m̄are doremasiboaya. Ne eropa dorebirabũ ḡua. Ḡua dorebirã majirãre nijisoro dopa ta m̄are õaro iim̄rabũ mahiri mera.

<sup>8</sup> Eropirã m̄are õaro gamerã Goãm̄ yare õari buherire werem̄rabũ ḡua m̄are. Ḡua basi ta árĩpehrero ḡua iimasiburire m̄are itamum̄rabũ. Ḡua mahirã m̄ua árĩcũ eropa itamuabũ m̄are.

<sup>9</sup> Eropirã m̄are mahirã b̄urigã itamum̄rabũ. Irire guñaa m̄ua, ḡua acawererã. Goãm̄ yare õari buherire wererã árĩrã, m̄ua oparire serẽ garibobirim̄rabũ m̄are. Eropirã ḡua basi mohmem̄rabũ ḡua baburire wajatamorã. Eropirã ım̄are, ñamigue sãre mohmem̄rabũ ḡua.

<sup>10</sup> Eropirã õaro Goãm̄ gamero iirã ñeri dipuwaja mariro diaye ta iim̄rabũ m̄are Jesu yarãre. Eropirã ḡua m̄ua mera eropa queoro árĩrare masia m̄ua. Goãm̄ sã irire masimi.

<sup>11</sup> Eropirã erã pagũ ĩgũ porãre ĩgũ õaro were ĩgũ mucubiricũ iidiro dopa ta ḡua m̄ua sãre árĩpehrerãre wererã mucubiricũ iiabũ m̄are. Irire masia m̄ua.

<sup>12</sup> Goãm̄ m̄are ĩgũ opũ árĩroque ĩgũ õatariaro árĩroque m̄ua árĩmorãre beyedigũ árĩmi. Eropirã m̄ua ĩgũ yarã árĩrã ĩgũ árĩro dopa ta õaro iiniguicãro gahmea, arĩm̄rabũ.

13 Eropirã Goãmũ yare mũare gua wererare mũa peerã õpa pepibũ mũa: “Masa erã pepiri mera iri buheri árĩbeaa. Goãmũ ya buheri ta ãhraa,” arĩ pepibũ mũa. Irire mũa eropa pepicũ masirã mucubiria gua. Eropirã Goãmũre serêrã, “Õhaa,” arãa gua ãgũre. Eropa ta ãhraa. Mũare gua buheri, Goãmũ wereniguri diaye ta árĩri ãhraa. Eropigu mũa Goãmũ yare ta peecũ ãgu ya buheri mera õaripũre gohrotocũ iimi mũare.

14 Eropirã Jesucristo yarã mũa árĩcũ ãarã i yeba majarã Jesure gamebirãpũ ñero iiañorã mũare. Mũa eropa wadiro dopa ta Judea yeba majarã sãre wayoro. Eroque sãre Jesucristore umupeorãre erã ya yeba majarã sã ñero iiañorã. Judio masa Jesure gamebirã erãre ñero taricũ iiañorã.

15-16 Mata judio masapũ iribojegue majarã Goãmũ ya weremuhtanirãre wejẽmurinirã árĩma. Eropirã mari Opũ Jesucristo sãre wejẽñorã erã. Eropirã erã Jesucristo yare gamebirã gua sãre ñero ii cohãma guare erã ya yebare. Eropirã erã judio masa árĩbirãre erã dederebiriborore gua erãre Goãmũ yare werecũ guare judio masa cãhmotamũrima. Goãmũ yare weredorebirima guare. Erã Jesu yarãre ãhaturi árĩmũrima. Erã eropiirare Goãmũ gamebirigohracãmi. Eropiro erã judio masa ñero iira dipuwaja wũaro árĩtuhaya. Erãre Goãmũ bũrigã dipuwaja moagucumi.

*Pablo Tesalónica majarã pohroque dipaturi curigũ wadiaripũ*

17 Gúa acawererã, mũa mera dohpaguere árĩbiriqererã ta mũare guñarã iiaa. Eropirã mũare buringã ãadiarã mũa pohroque wadiarabũ gũa.

18-19 Bajasuburi yũhũ mũare ãagũ wadiarabũ. Watĩpũ gũa wabodirore goroweoami. Eropirã gũa wabiricabũ. Gũare mucubiricũ iirã mũa árĩcũ mũare ãadiarabũ. Mari Opũ Jesucristo i yebague dujaricũ turaro mucubirirãca mũa mera. Eropirã mucubirirã mũa mera Jesu core niguirãca.

20 Eropa ta ãhraa. Mũare ãagũ Jesupũ “Õaro buhenirã ãhraa mũa,” arĩgũcumĩ gũare. Eropirã õaro mucubirirãca gũa.

### 3

1-2 Eropii mũare yoari boje gũa ãabirã mũare buringã peediarã irire guñarã Timoteore mũa pohroque obeoabũ. Ìgũ mari acaweregũ Jesu yagũ Goãmũ pohro majagũ gũa mera õari buherire buhegũ ãhrimi. Eropirã ãgũre obeoabũ Jesucristore mũa õaro umupeoburire mũa mucubiriburi sãre. Ìgũre obeorã gũa seyaro Atena maca dujabũ.

3 Mũa Jesucristore umupeora waja gajirã mũare ñero iiañorã. Eropirã mũa Jesu yare mũa cóãbiriboro dopa itamubure obeoabũ Timoteore mũa pohroque. Mari Jesu yarã árĩrãre eropa ta gajirã marire ñero taricũ iirãcoma. Irire masia mũa.

4 Mũa mera ero coreguere árĩrã õpa arĩ were-tuhajabũ mũare: “Mari Jesucristore umupeora

waja gajirã marire ñero iirãcoma,” arĩ were-tuhajabũ mũare. Eropirã gũa werediro dopa ta erã ñero iima mũare. Irire mũa ðaro masia.

<sup>5</sup> Eropigũ mũare mahitariagũ mũare yoari boje ãbigũ mũare burigã peediabũ yũhũ. Eropigũ Timoteore obeoabũ yũhũ mũa Jesure umupe-orire masibu. “Watĩ mũare ñero iidoreri,” arĩgũ, “Mũare gũa buherare mũague duhuri,” arĩgũ ãgũre obeoabũ yũhũ.

<sup>6</sup> Eropigũ dohpaguere Timoteo mũa pohrogue árĩdi gũa pohrogue dujarami. Eropa dujaragũ ðari querere gũare wereami ãgũ. Jesure mũa ðaro umupeorare mũa gajirã mera ðaro mahira sãre ãgũ wereami gũare. Eroparĩgũ gũare mũa ðaro guñara sãre wereami. “Erã sã mũare burigã ãdiana,” arĩ wereami ãgũ gũare. ãgũ eropa arĩ werecũ peerã mucubiria.

<sup>7</sup> Eropirã gũa dohpaguere ñero tarirã árĩquererã mũa Jesure ðaro umupeocũ peerã gũa mucubiria.

<sup>8</sup> Jesure mũa ðaro umupeorare pee ãgũ yare mũa cóãbirirare peerã ðaro pepia gũa.

<sup>9</sup> Eropa pepirã Goãmũ ãaro gũa burigã mucubiria. Eropa mucubirirã Goãmũre serẽa, “Õhaa,” arĩrã.

<sup>10</sup> Eropirã gũa basi mũare ãaburire Goãmũre serẽniguia. Õmuri ñamiri sãre serẽniguicãa. Mũare ãadiarã Jesucristo yare mũa ðaro masipehocũ itamudiaca ãgũre mũa ðaro umupeonemoboro dopa.

<sup>11</sup> Goãmũ mari Pagũ ãgũ basi mari Opũ Jesu mera gũare itamuporo mũa pohrogue gũa waburire.

12 Eropigu mari Opu Jesu árĩpehrerã mũa mera majarãre árĩpehrerã gajirã sãre mahinemoburire iiporo mũare. Gũa mũare mahi umupeodiro dopa ta mũa sã buringã mahinemocũ iiporo mũare.

13 Mũare ĩgu ðaro itamuri mera mũa dipuwaja marirã ñeri marirã árĩrãca Goãmũ mari Pagu ĩacũ. Eropa ta árĩrãca mũa mari Opu Jesu dujaricũ árĩpehrerã ĩgu yarã ðarã mera i yebague.

## 4

*Goãmũre mucubiricũ iidiarã ðpa iique, arĩ were gojañumi Pablo*

1-2 Dohpaguere Jesu mari Opu ĩgu dorero mera mũare ðpa werea: “Goãmũre mucubiricũ iidiarã ðpa iique,” arĩ buheabu gũa mũare. Gũa eropa buherã pũhrũ gũa buhediro dopa ta iayoro mũa. Iri buherire ðaro masia mũa. Eropirã mũa Goãmũ yare ðaro iirã ãhraa. Eropirã mũa eropa iidiro dopa ta duhubirã ta. Mũraro ta iinemoque daja. Irire buringã werea mũare.

3 Irire mũare werenemogũra. Mũa ðpa árĩcũ gahmemi Goãmũ. Ñerire iibirã Goãmũ yare iirã árĩque. Eropirã nome mera ñero iiro mariro árĩque mũa ũa. Mũa nome sã ũa mera ñero iiro mariro árĩque.

4 Ñero iibiraro mariro umupeori mera mũa marasã nomere opaque. Mũa irire masicũ gahmemi Goãmũ.

5 Goãmũre gamebirã Goãmũre masibirã ñerire uaribejarã nomere erã gamero dopa ta iibiricãque mũa.



<sup>6</sup> Ōpa ta mũa iibiricũ gahmemi Goãmũ: Ne yu-  
jugũ mũa acaweregũ marapore yajabiricãporo.  
Eropa yajagũ ĩgũ acaweregũre umupeobigũ iimi  
ĩgũ. Eropigũ eropa iigare mari Opũ iri ñerire ĩgũ  
ya dipuwaja moabu árĩgũ tiimi. Eropirã mũare  
gũisãrã irire wereabũ mũare.

<sup>7</sup> Ñerire pepimorãre, ñerire iimorãre beyebir-  
imi marire Goãmũ. Ñerire iibirimorãre òarire  
iimorãre beyemi Goãmũ marire.

<sup>8</sup> Eropigũ òarire mari iimorã árĩcũ ĩgũ Espiritu  
Santo odigũ árĩmi marire. Eropirã iri ñerire  
iibiricãro gahmea. Eropigũ yujugũ i gũa wer-  
erare yũhribigũ Goãmũ yapũ sãre yũhribigũ  
ãhrimi.

<sup>9-10</sup> Mũa acawererãre, Jesu yarãre mũa game  
mahiburire Goãmũ mũare buhetuhajami. ĩgũ  
eropa buhecũ mũa diaye ta Jesu yarãre Mace-  
donia majarã sãre árĩpehrerãre òaro mahi  
umupeo waĩcũa. Mũa eropa mahicũ peegũ  
“Mũa acawererãre mahique,” arĩ buhebeaa daja  
mũare. Eropigũ òpa dorea daja yũhũ. Mũa  
gajirãre mahiro dopa ta erãre mahinemoque.

<sup>11</sup> Eropirã mũa basi game ñhaturiro mariro  
árĩque. Gajirãre gajiropa arĩ wereniguibir-  
icãque. Eropa ñacãque erãre. Eropirã mũa ya  
mohmeripũre òaro mohmeque. Ero coregue ta  
mũare eropa iidoreabũ.

<sup>12</sup> Mũa eropa mohmerã gajirãre barire ama-  
some. Eropirã erã mũare òaro werenigu-  
irãcoma.

*I yebaguere Jesucristo ĩgũ dujariborore  
wepẽ Pablo*

13 Jesure gamebirã Jesu pohroguere wasome. Eropirã erã mera majarã erã sîricũ ãarã buringã bujawerema. Sîrinirã mura erã waborore diaye ta ôaro mua masicũ gahmea gua. Gajirã erã bujawerediro dopa mua bujawerebiriboro dopa mware masicũ iidiaa.

14 Jesu igu sîrira puhru masa mûriadigu árîmi. "Iri diaye ta ãhraa," arãa mari. Eropa arîrã árîrã i sãre "Diaye ta ãhraa," arãa mari. Goãmupû igu yarã sîrinirã murare erã masa mûriacũ Jesu mera aricũ iigucumi. Iri sãre "Diaye ta ãhraa," arãa mari.

15 Mari Opû igu buhediro dopa ta ire werea. Jesucristo igu dujaricũ igu yarã ojocarirã sîrinirã core masa mûriamũhtasome. Sîrinirã mûrapû ojocarirã core masa mûriamũhtarãcoma.

16 Ôpa árîroca Jesu igu dujaricũ: Mari Opû igu basi دچارigucumi umusigue árîdigu. Di-jarigu busuro mera werenigui, doregucumi. Igu dorecũ igu anyua opu buringã piyugucumi. Eropa igu piyucũ Goãmû ya corneta busumûriroca. Erã eropiicũ Cristore umupeonirã sîrinirã mura masamûria mûhtarãcoma.

17 Erã puhru mari ojocarirãre sîrinirã masanirã mera Goãmû aî mûriagucumi. Igu eropa iicũ mari Opû Jesure bocatîrirãca mari. Eropirã mari Opû Jesu mera árîniguiçãrãca.

18 Eropirã i yu wererare mua mera majarãre wereque. Eropa arî wererã mucubirirãca mua árîpehrerã. Mari Opû Goãmû igu wereri ta ãhraa i.

## 5

<sup>1</sup> Jesu ĩġu dujariburinære “Inuri árĩcũ ĩġu dujarigucumi,” arĩ mũare were gojabeosome.

<sup>2</sup> ĩġu dujaririnære marire masima masiya mara. Yajari masu ñamigue guñaña mariro ĩġu yajagu ariro dopa ta i yebaguere mari Opu guñaña mariro dujarigucumi. Iri sãre masia mũa.

<sup>3</sup> Eropirã masapu “Dohpaguere mari õaro árĩcãa. Gũhyari mara marire,” erã eropa arĩ pepirisubu mata ñero waroca erãre. Ero eropa wacũ ne nohogue gohra duhri wiria masisome. Dederea warãcoma. Niji wahgũgo guñaña mariro igo pũriro pepiro dopa guñaña mariro eropa waroca masare Jesu ĩġu dujaricũ.

<sup>4</sup> Yu acawererã, mũapũre eropa wasome. Yajari masu wihi opũre ĩġu ucudiro dopa ta mũapũre eropa wasome. Jesu arigũ mũare ucusome. Naitĩarore erã ĩha masibiro dopa gajirã Jesure ne masibeamã. Mũapũ erã iro dopa árĩbeaa.

<sup>5</sup> Mũa árĩpehrerã Jesu yarã ãhraa. Eropirã boyorore erã ĩha masiro dopa ta Jesu ĩġu ariborore masia mũa. Gajirã ĩġure masibirã iro dopa árĩbeaa mũa. Eropirã ucasome ĩġu dujaricũ.

<sup>6</sup> Eropirã carĩrã iro dopa árĩbircãro gahmea. Õaro pee masirã ãhri Goãmũ yare õaro pepiro gahmea. Eropirã Jesucristo dujariborore õaro corero gahmea.

<sup>7</sup> Ñamire carĩrã dopa árĩbircãro gahmea. Ñamire mererã dopa árĩbircãro gahmea.

<sup>8</sup> ðmũre árĩro dopa õaro pee masi árĩro

gahmea. Eropirã marire watĩ ñero iidoreburire iibiricãro gahmea. Surara gamewejẽgu wagũ come suhriro saña, come sãpea peya ãgu cãhmotaboro dopa mari sãre watĩ ñero goroweoborore cãhmotaro gahmea. Ōpa iiro gahmea watĩre cãhmotabure: Jesucristore “Diaye iigu ãhrimi,” arĩ umupeoniguicãro gahmea. Goãmure masa sãre mahiniguicãro gahmea. Eropirã Jesu mera mari Goãmũ pohro mari árĩburire masi corero gahmea. Mari eropiirã ñero iibiriburire cãhmotarã árĩrãca.

<sup>9</sup> ãgu dipuwaja moamorãre marire beyebiripũ Goãmũ. Jesucristo mari Opũ marire dipuwaja marimorãre, peamegue wabonirãre ãgu tau-morãre beyepũ marire.

<sup>10</sup> ãgu Jesu mari ya árĩburire ta sĩribasadigu árĩmi ãgu mera mari árĩburire. Eropirã ãgu dujaricũ ojocarirã árĩrã sĩrinirã sã yujuropa ta ãgu mera árĩrãca mari ãgu yarã árĩrã.

<sup>11</sup> Eropirã mũa mera majarãre dohpague mũa mucubiricũ iidiro dopa ta mũa basi mũa mucubiricũ iique daja. Eropirã mũa basi ta Goãmure umupeonemocũ iique mũa mera majarãre Goãmũ yare wererã.

### *Jesu yarãre Pablo weretuñumi*

<sup>12</sup> Jesucristo yare buherã mũa õaro iiburire wererã ãhrima mũa pohro. Erãre mari Opũ Jesucristo buhedoregu beyeñumi. Erã ãgu beyenirã árĩcũ õaro umupeoque erãre. Mũa erãre eropa umupeocũ gamegu bũrigã dorea mũare.

13 Erã mohmerire erã iicũ erãre mahiri mera õaro umupeoque. Eropirã gamequeãro mariro árĩrã gahmea.

14 Gua acawererãre, mũare, õpa burigã werea daja. Mohmediabirãre mohmedoreque mũa. Duhudiarãre “Goãmũ itamuri mera duhubiricãque,” arĩque erãre. Jesure merogã umupeorã sãre itamuque. Erã mata pee masibiricũ ãha guabiricãque erã mera.

15 Yujungũ mũare ãgũ ñero iiquerecũ mũarũ dipaturi ãgũre ñero ii gamebircãque. Mũa mera majarãre árĩpehrerã gajirã sãre õaro mera umupeoque.

16 Eropirã mũuri nũcũ Goãmũ mera eropa mucubiriniguicãro gahmea mũare.

17 Eropirã Goãmũre eropa serẽniguicãro gahmea.

18 Mũa õaro tarirã, mũa ñero tariquererã Goãmũre “Õhaa,” arĩro gahmea. Goãmũre “Õhaa,” arĩrã, Goãmũ ãgũ gamediro dopa ta iirãca mũa Jesucristo yarã árĩrã.

19 Eropirã Espĩritu Santo mũare ãgũ wererire yũhribirã árĩbircãque.

20 Espĩritu Santo ãgũ masiri mera gajirã mũare buheama. Erã eropa buhecũ erã buherire gamebirã árĩbircãque.

21 Eropirã gajirã mũare gajiropa erã arĩ buhecũ iri Goãmũ ya árĩbircũ masique mũa. Eropirã Goãmũ ya buheri iri árĩcũ sãre masique mũa. Eropirã õari dihtare gameque.

22 Eropirã iri ñerire árĩpehreri ñerire gamebircãro gahmea.

23 Eropigu Goãmũ marire õaro iirã árĩcũ iigu ãhrimi. Īgu ĩgu basi mũare ĩgu yarãre mũa õarã ñeri marirã árĩcũ iinemoporo mũare. Mũa dũpũ sãre mũa sĩporã sãre õaro ĩhadibuporo mũare. Mari Opũ Jesucristo i yebaguere ĩgu dujariboro core Goãmũ mũare õaro ĩhadibuporo mũa ñerire iibiriboro dopa. Īgu eropa iicũ Jesucristo dujaricũ ñeri marirã árĩrãca mũa.

24 Eropa ta iigũcumĩ Goãmũ. Īgu mũare beyedigũ ĩgu arĩdiro dopa ta iimi.

*Pablo erãre õadorebeoñumi*

25 Gũa ya õaro árĩburire Goãmũre serẽbasaque mũa sã, gũa acawererã.

26 Jesu yarãre bocatĩrirã árĩpehrerãre mahiri mera mojoto ñeaque mũa.

27 Jesu mari Opũ ĩgu doreri mera mũare werea yũhũ. Árĩpehrerã Jesu yarã gamenererãre ipũre buheque mũa.

28 Jesucristo mari Opũ ĩgu mahiri mera mũare burigã õadorea. Eropa ta árĩniguicãporo. Iripẽta ãhraa.

## **Desano**

### **Desano: Goãmu Yare Wereripu New Testament**

copyright © 2011 Wycliffe Bible Translators, Inc.

Language: Desano

Contributor: Wycliffe Bible Translators, Inc.

All rights reserved.

2025-05-01

---

PDF generated using Haiola and XeLaTeX on 30 Apr 2025 from source  
files dated 1 May 2025

17771afc-c309-57fd-9ff3-2d5a0cd59ff1